


ЛИСЕНДИ VIII-це КИЗОСЬ

ВЛКСМ-нь Мордовский
обкомть и Саранскийнь
горкомть газетасна.Адрессы г. Саранск, Советская ул.,
Дом печати, телефон № 0-90.

ЯНВАРЬ

II-це шистонза
1940 КИЗОНЯ
5 (1657) №

Лисенди новти 12-исть.



КОМСОМОЛОНЬ ВАЙГЯЛЬ

ПЯШКОДЬСАСЬК ТРУДОНЬ ПРОИЗВОДИТЕЛЬНОСТЬ КАСФТОМАНЦ КОЛГА ПЯТИЛЕТКАТЪ ЗАДАНИЯНЦ 4 КИЗОСТА

Мордовский АССР-нь промышленный предприятиянь и кустарно-промысловый артелинь сембе рабочайхненди, работницатненди, инженерно-технический работникненди и служащайхненди

Кельгома ялгат!

ВКП(б)-ть исторический XVIII с'ездоц путсь задача—нюрхкяня пингста сатомс и йотамс сяда развитай капиталистический странатненъ тяфта жа и экономический ширде. Тя задачатъ примазе сембе ламамиллионный советский народсь пях оцю воодушевленияса. Минь великай родинаньконь трудящайнза партиять тя призывонцты отвещать историяса нинге апак няентть трудовой под'емса, кона музе эсь воплощениянц Сталинский Колмоце Пятилеткатъ лемса социалистический соревнованяса.

Колмоце пятилеткатъ омбоце кизоц кандсь СССР-нь социалистический промышленности пях цебяръ победат, предприятиянь сембода ламосна пингта инголе пяхкодемъ кизоквалмонь производственной планцон, максеть странати лама сяда миллион цалковайнъ питне продукция планда вельф. 1939 кизось няфтезе, кодама оцю резерват улихть трудть производительностенц касомань областьсонза.

Саранский консервной комбинатсь 1939 кизоня пингта инголе пяхкодезе кизоквалмонь производственной планонц, максеть кизотъ аделаманцты продукция планда вельф 190 тьожянь цалковайнъ питне 1926—27 кизонь аф полафневи питнеса. Тянь мархта коллективсь пяхкодезе эсь социалистический обязательстванц. Трудонь производительность пачкодсь 1938 кизонь производственной планть коряс 140 процентс и 1939 кизонь планть коряс—117 процентс. Ламода сяда цебяргодсь продукциять качествац: 1938 кизоня сембе консерватненъ эзда 31,8 процент ульсь нолдаф высай сортонди, а 1939 кизоня высай сорт минь нолдаме сембе продукциять эзда 53,5 процент.

Ня сатфксень минь сатоськ пях вишкотьф стахановский движениать вельде, кона няфтсь и няфни тейнек трудонь оцю производительностень образецт. Минь комбинатсонк инь цебяръ ломатненъ фалу вельф пяхкоткшнесазь выработкань норматненъ; например, механический цехть эзга трудонь средний производительность 180 процент, а квасильнайса 181 процент.

Многостаночникненъ пях цебяръ движениасна и профессиональнь совмещительствась пях касфнесазь трудонь производительность. Комбинатть фруктовой цехсонза инь цебяръ стахановецне Спиридоновась, Лукошкинась и Лялинась йотастъ двутельнай 5 котелонь обслуживандама 3-нь вастс, тя максеть возможность касфтомс продукциянь нолдамать и трудонь производительность фкя палень крдада ламос.

Минь комбинатоньконди максф задания—сталинский колмоце пятилеткатъ пингста касфтомс трудонь производительность 57 процентта 1937 кизотъ—омбоце пяти-

леткатъ мекольдень кизонц коряс. Кизоквалмонь выработкась эрь рабочайти должен улемс 1942 кизоня 21.708 цалковай. Сталинский колмоце пятилеткатъ кафта кизонзон пингста минь комбинатсонк касффт трудонь производительность 25,5 процентта.

Ащемоц Московский инструментальной заводть коллективонцинициативанц инкса, минь сявонттяма эсь лангозонк обязательства—пяхкодемс пятилетный планть трудонь производительность касфтомаса ниле кизоста.

Тянка минь обязуемса:

1. Пяхоня вишкопнемс стахановский движениать, а сембодонга пях сонъ од форманзон—многостаночный обслуживанянь и профессиональнь совмещительствать. Стахановецненъ и многостаночникненъ лувксон 1940 кизоня касфтомс кафтонь крда йотай кизотъ коряс. Сталинский колмоце пятилеткатъ нилеце кизонц пенц самс комбинатть эрь кадровой рабочайц должен тонадомс аф кафтта кржа профессия.

2. Кемокстамс трудовой дисциплинаць производстваса, машфтомс внутрисменнай простойхненъ, вятемс решительнай тюрема рабочай шить уплотнениянц инкса.

3. Пачфтемс сдельно оплачиваемай рабочайхненъ лувксон 80 процентс самс рабочайхненъ марстонъ лувксонды, кепсемотьянь вельде трудть производительностенц касфтомаса заинтересованность.

4. Кирьфтамс 1940 кизоня брактъ лувксонц 50 процентта 1939 кизотъ коряс и пачфтемс высай сорта продукциять выработканц 60 процентти модемс.

5. Внедрить женский трудть тяфтама квалификациятненъ эса: шоферонь, стерилизаторонь, слесарень, вакуум-аппаратчиконь, бондарень, обвальщиконь. Тянка организовандамс курст тяфтама квалификацияса работати аватненъ анокламаса.

6. Кирьфтамс ручной трудть и механизировать сонъ сяда трудоемной процессненъ эса—компотонь выработкаса, банкань перетиркаса и этикеровкаса. Келиста использовандамс рационализаторский предложениятненъ, ванфтомоктянь вельде аф 200 тьожянда кржа цалковай.

7. Одукс ванондомс выработкань сембе устаревшай норматненъ и полафтомс синь од передовой нормаса, конатненъ сатозь комбинатонь стахановецне.

8. Вятемс решительнай тюрема потерятненъ каршес и ванфтомс ня мероприятиятненъ вельде аф 100 тьожянда кржа цалковай.

9. Вишкоптемс оборонный работать, сатомс коллективнь 100 процентс осовахиномъ членкс фатяманц, анокламс 1940 кизоня оборонный 200 значкист.

Минь обязуемса пяхкодемс 1940 кизонь производственной

программать, конац касффт 37 процентта йотай кизотъ коряс, пингта инголе декабрь 12-це шини самс рабочайнь тяка жа лувксть мархта.

Сявф обязательстватненъ пяхкодемаснон мельге эрь шинь контрольть обеспечендаманц инкса, кафксть ковти проверякшнемс обязательстватненъ пяхкодемаснон цехненъ и бригадатненъ эса. Келиста няфнемс социалистический соревнованянь и комбинатть инь цебяръ работниконзон заводской стеной и республиканский печатьса. Эрь ковня йотафнемс цеховой производственной совещаният, конатненъ эса путнемс сявф обязательстватненъ пяхкодемсон колга кизефксненъ.

Минь обращаемся Мордовский АССР-нь промышленный предприятиянь и кустарно-промысловый артелинь сембе рабочайхненди, инженерно-технический работникненди и служащайхненди призыв мархта: поддержать московский инструментальщикненъ инициативаснон, большевистский работать вельде обеспечендамс трудонь производительность касомаса колмоце пятилеткань планть ниле кизоста пяхкодеманц.

Серьгяткшнесазь минь республикань предприятиятненъ коллективсон сяда келиста вишкотьфемс Сталинский Колмоце Пятилеткатъ лемса социалистический соревнованянь, сявомс эсь лангозонк конкретнай обязательстват трудть производительностенц касфтоманц, себестоимостть кирьфтаманц, уштомать, электроэнергиять, производствань материалхненъ экономияснон инкса и честь мархта пяхкодемс ня обязательстватненъ.

Минь обращаемся Саранский теплоэлектроцентральть коллективонцты требования мархта—примамс сембе мератненъ сянди, штоба Саранск ошень промышленный предприятиятненъ полнайста и перебойфтома снабжандакшнемс парса и электроэнергияса. Штоба афоль уль толонь мадома фкявок случай, фкявок авария!—Тяфтама лозунгонъ ала должен работамс ТЭЦ-ть коллективоц.

Стахановский движениать сяда тов вишкоптеманц инкса! Сяда келиста вишкотьфсаськ Сталинский Колмоце Пятилеткатъ лемса великай социалистический соревнованянь!

Минь социалистический промышленностеньконъ од цебяръ победанзонды!

Шумбра улеза минь кельгома вожденъке, Социалистический Трудонь Геройсь Сталин ялгасы!

Обращения примаф Саранский консервной комбинатонь рабочайхненъ, работницатненъ, инженерно-технический работникненъ и служащайхненъ общеаводской собраниясост, коса ульсь 360 ломань.



„Сталин изобразительный искусства“ Государственной Третьяковской галлерейса лавф художественной выставкаса. СНИМКАСА: „Сталин—страдег“ скульптурась Петрушевич скульпторть работац. Фото-клишесь ТАСС-ть.

Ленинградский военный округъ штабонц оперативнай сводкац

Январь 9-це шистонза шиньберф Ухтинский направленияса ульсь пехотнай частьтненъ тюремасна, конатненъ пингста минь частеньке тусть лама километра васте Суомуссалимть эзда восток шири, Ребольский и Петрозаводский направлениятненъ эзга ульсь разведывательнай отрядтненъ действиясна. Карельский перешейкаса артиллерийский шюра перестрелкат. Кальдяв погодать сюнеда авиациять действиянза каньность ограниченной характер.

Мартин Андерсен- Нексетъ произведениязон лангс гонениятне

Стокгольм. „Финляндия—страна политического террора“ Мартин Андерсен-Нексетъ брошюрац максф шведский власттненъ мархта юстициянь министерствати сонъ запрещенияц инкса.

(ТАСС).



СНИМКАСА. В. И. Ленини Zubovo-Полянаса памятникъ.
Фотось Никольскыйтъ.

Вооружаются ВЛКСМ-нь ЦК-ть пленумонц

материалонзон мархта
Всеобучса иттенъ фатямасна
—школатъ васенце задачац
(Телефон вельде)

Ковылкинский район. Январь 7-це шистонза и 9-це шинцы модемс ульсь йотафтф учителень районнай конференция, коса ВЛКСМ-нь ЦК-ть X пленумонц итогонзон колга доклад мархта выступил ВЛКСМ-нь райкомтъ секретаренц Лисин ялгать докладонц.

Тя кизефксть коряс эсь выступлениясонза Тройцкый средняй школанъ учительсь Золиков ялгась азондозе, кода комсомольскый организациясь пшкотькшнесы эсь почетнай задачанц.

Тя школанъ 7-це класса тонафни комсомолецненъ инициативасон коряс школаса омбоце четвертьста успеваемость ламода кассъ, цебяръгась дисциплинась.

Конференцияса ульсь отмеченнайхть оцю аф сатыкст всеобучса иттенъ фатямасон коряс. Районца атак фатяк всеобучса 62 идъ, конатненъ школьной возрастна. Лама школат, кода Чепурновканъ (директорсь Мещеряков), Од Дракинанъ (директорсь Енукин) и лият ашеть фатя всеобучса 8—10 идъ.
И. Трмаскин.

Комсомольскый работаса аф сатыкне лифтьфть лангу

Торбеевский район. Учителень йотафтф районнай конференцияса деловитайста ульсь обсуждандафт ВЛКСМ-нь ЦК-ть X пленумонц материалонза. Тя кизефксть коряс докладчиксь ВКП(б)-нь райкомтъ пропаганданъ и агитациянъ отделонъ заведующайц Красников ялгась азозе, што ВЛКСМ-нь ЦК-ть X пленумонц решениянзон эса азф фактне марнек мушендыхть васта школьной работать коряс Торбеевский районнай комсомольскый организациясовок.

ВЛКСМ-нь райкомсь, сянъ инкса, штоба серьезна обсудить школьной комсомольскый организациятненъ эса ВЛКСМ-нь ЦК-ть X пленумонц материалонзон, кучсь райактивъ эзда 19 комсомолец.

Лама школьной комсомольскый организациянъ комсомолецне, кода Морд-Юнкаса, Лапатинаса, Торбееваса, кармасть тонафнемост ВЛКСМ-нь ЦК-ть X пленумонц материалонзон.

Краснов.

ОЦЮ АКТИВНОСТЬСА ОБСУЖДАЮТ ВЛКСМ-нь ЦК-ть X ПЛЕНУМОНЦ МАТЕРИАЛОНЗОН

(Телефон вельде)

ПИОНЕРХНЕНЪ ЙОТКСА
РАБОТАСЪ—ПОЧЕТНАЙ ТЕВ

Сире-Шайгово. Январь 7-це шистонза и 9-це шинцы модемс ульсь йотафтф учителень районнай конференция, коса ВЛКСМ-нь ЦК-ть X пленумонц итогонзон колга доклад мархта выступил ВЛКСМ-нь райкомтъ секретаренц Пугачев ялгась.

Пугачев ялгать докладонц коряс корхтась учителхть и школьной комсомольскый организациянъ секретархть. Сире Шайговскый средняй школанъ учительсь Богданов ялгась эсь выступлениясонза кемоста критиковал учителхненъ, конат пренебрежения мархта относились пионерхненъ йоткса воспитательнай работать шири.

Богдановскый НСШ-ть директороц Перепелкин ялгась азондозе кодама лезкс максихть комсомолецне школаса дисциплинасть и успеваемость кеподемаса, сядя товсон корхтась учителхненъ и комсомолецненъ дружбаон колга, фкя-фкянди синъ лезксонъ максомасон колга и ст. тов.

Тяфта жа по-деловому обсудили ВЛКСМ-нь ЦК-ть X пленумонц материалонзон Шайговскый районца кемонъ школьной комсомольскый организацият. Тяфта тянь коряс йотафтст собранийт Ново-Троицкый, Сире-Шайговскый средняй школатненъ и лама лия школанъ комсомольскый организациятне.

Пленумтъ материалонзон обсуждения активнай участия примосихть учителхне. Синъ эсь выступлениясон эса вешихть стама лезкс комсомольскый организациятненъ ширде, штоба марстонъ вийса решительнайста цебаръгафтомс школатненъ эса учебно-воспитательнай работать.

Лопатина.

КОМСОМОЛЬСКЫЙ
ГРУППАТНЕНЪ РАБОТАСНА

Мельцанский район. Январь 9-це шистонза райцентраса панжевсь учителень районнай конференциясь. Учителхне и школьной комсомольскый организациянъ секретархне оцю малья мархта кулх-

цондозь ВЛКСМ-нь ЦК-ть X пленумонц материалонзон колга ВКП(б)-нь райкомтъ пропаганданъ и агитациянъ отделонъ заведующайнц Когов ялгать докладонц.

Оцю воодушевления мархта тя райононъ сисем школьной комсомольскый организацият обсуждали ВЛКСМ-нь ЦК-ть X пленумонц материалонзон.

Особенна активна йотась тя кизефксть коряс собраниясь Вертелимскый НСШ-нь комсомольскый организацияса. Комсомолецсь Матюшкин ялгась корхтась сянъ колга, што тячимс школаса уликс комсомольскый колма группатне работайхть формальна, юкснесазь эсь главнай задачасон—школаса дисциплинасть, успеваемость кеподемасон инкса тюремать. Ушаков.

УЧИТЕЛХТИ ОЦЮ АВТОРИТЕТ

Саранский район. Йотафтф учителень районнай конференцияса ульсь кулхонфт ВЛКСМ-нь райкомтъ секретаренц Драняев ялгать докладонц ВЛКСМ-нь ЦК-ть X пленумонц итогонзон колга. Тя кизефксть коряс пренияса эсь выступлениясонза Атемарскый средняй школатъ директороц Чукаловскый ялгась азондозе, што комсомольскый организациясь сатомшка лезкс аф максин учителхненди синъ авторитетсон кеподемасонды, а меклангт, ульсь случайхть, мзярда комсомолецне синъ грубайста поступали учителхненъ мархта, а комсомольскый организациясь тяфтама фактненъ шири ванць кода нормальная являниль лангс.

Лосев.

КОМСОМОЛТИ БОЕВОЙ
ПРОГРАММА

Синдровский район. ВЛКСМ-нь Сире-Синдровскый райкомсь районнай активъ эзда 11 лучшей комсомолец кучсь школьной комсомольскый организациятненди, штоба тоса по-боевому обсудить ВЛКСМ-нь ЦК-ть X пленумонц материалонзон и лихтеме соответствующай решеният школаса комсомольскый организациятненъ работасон цебаръгофтомаса.

Котов.

100 процентнай успеваемость

М.-Пашад велень средняй школанъ преподаватель Решетников Владимир Андреевичъ классоц тонафнема кизоть васень полугодиянц аделазе 100 процентнай успеваемостьса.

Решетников ялгась школаса лувондови аф анычек коммунисти-

ческий воспитаниянъ лучшей мастеркс, сон тяфта жа ащи лучшей агитаторкс. Сон колхозникненъ йоткса международнай положенийт колга сидеста йотафни докладт и беседат.

П. М.

Пурдошанский район.



Республиканский самодетельнай идень 4-це олимпиадаста.
СНИМКАСА: Рузаевка ошень оркестръ, конац участвовандась республиканский 4-це олимпиадаста.

Фотось В. Ивонинъ.



СНИМКАСА: В. И. Ленини Краснослободскыйса памятникъ.
Фотось Никольскыйтъ.

Коммунистический воспитаният безответственной отношеният

Каньгуж велень средняй школанъ кой-кона преподавательхне эсь прямой обязанностьсонды, касыкс поколеният коммунистический воспитаниянцты относятся формальнойста, йофси безответственнойста. Например, школанъ директорсь Сургаев Дмитрий Даниловичъ уроконзон йотафнесыне тейст атак аноклак. Сонъ конспектоц—тя или тона дисциплинасть коряс—учебниксь, конанъ лангс ванозь 9-це класса тиендсыне сембе лекциятненъ.

Географиятъ преподаваниянц йотафнесы тяфта жа ковга аф кондактиста. Кда кармай географиянъ картать коряс азонкшнема, то сонъ терминоц фкя: „Вов тьяса приблизительно“—няфтьсы кядь лаша картать.

Преподаваниянъ тяфтама методикась пшк шорай иттенъ коммунистический воспитаниянсонды, сяс мес сон вяти предметть поверхностнайста тонадоманцы.

Тяда башка, Дмитрий Даниловичъ эсь подчиненнаензонды кржа няфни цебаръ кепотыкта обращениасовок. Ученикненъ мархта сон фалу корхни кяжиста, а кда ученикс тейнза обратиться кодама-кодама кизефкс мархта, то сонъ ответоц фкя:

— „Ворьтъ, листь урокста!“ Вов кода воспитывает эсь учениконзон директорсь-преподавательсь Сургаев ялгась.

Тяфта жа сави азомс школаса тонафнеманъ условиятненъ колгавок. Кода правила, классенъ эса эрий пшк якшама, синъ эсост ученикть нльне аф сай тонафнемацка. Мезень сюнеда школаса сязьф аф фкя урок.

Тяфтама положениясь грязяй тонафнема кизоть сяземанцы.

Иванова.

Ельниковский район.

ОТЛИЧНИКНЕ СУВСИХТЬ КОМСОМОЛУ

Глушка велень средняй школанъ старшай пионервожатайсь Кузнецова ялгась пионерхненъ йоткса вяти оцю работа Ленинско-Сталинскый комсомолтъ рядонзон касфтомасон инкса.

Анычек 1939 кизонъ декабрьт пингста комсомолу сувасть 10 пионерхт.

И. Чепин.

Кадбикинский район.

Комсомольский организационный работник аф сатыксыне

ВЛКСМ-нь ЦК-ть V пленумоц комсомольский организационный инголи путнесь почетная задача — од ломаттнень комсомолу примань тевса машфтомс сембе аф сатыксыне.

Коде жа ты задаче пашкоты-кшнесь ВЛКСМ-нь Кадошкинский райкомс?

Эрви видеста азомс, што ВЛКСМ-нь райкомс ты важнейшей задаче пашкотыкшнесь йофси аф сатомшкаста, мезень сюнеда 1939 кизоня комсомолу сембоц стиряда примаф 185, конатнень эзда колхозницада анычек — 29.

Од ломаттнень йоткса аф сяда цебарьста работайхть Глушка, Куликовка, Б.-Полянка и лия велень колхозной комсомольский организационный. Синь секретарьна Агеев, Карпов, Капкаев ялгатне од ломаттнень общественной работас аф сувафнесазь, синь йотксост собраният, лекцият, беседат аф тнендихть.


Виде, района улихть первичнай комсомольский организационный, конат илядыхнейди ащихть образцокс. Вов, кепотыксонди, Александровка и Гористова велень Чкаловть и „Кр. выборжец“ колхознай первичнай комсомольский организационный од ломаттнень сувафнесазь ОСО-нь, СВБ-нь и МОПР-нь организационный членкс, йотафнихть синь йотксост общай собраният, нят организационный рядсна систематически касыхть.

Районнай комсомольский организационный рядонзон касомасонды улихть сембе условияне. Васендакиге, твса улихть аф кржа од ломатт, конат Ленинонь—Сталинонь партиасонды, родинати эсь нефтема преданностьсон нефтез и нефнесазь колхознай производстваса по-стахановски работазь.

ВЛКСМ-нь райкомс и первичнай комсомольский организационный эсь практический работасост должет шарфтомс оцю мяль аф союзнай од ломаттнень йоткса воспитательнай работат цебарьста ладямаса.

Богомолв.

ВЛКСМ-нь Кадошкинский райкомт секретарец.



1940 кизонь январь 22-це (9-це) шистонза топоди 35 кизот ся шить эзда, мзрда Петроградса царский войскактне лицендезь безоруженнай рабочей демонстрациять. (Фото-клише ТАСС-ть).

Тундань видемати аноклайхть образцовайста

Р. Пашад велень „Герой труда“ колхозсь (председатель Анаев-ялгась) вяти пях оцю работа тундань видема кампаният анокста васфтеманд инкса. Колхозсь ты кизонь январь 1-це шинцы самс вельхозийственной машинанзон эзда петсь ни 50 процентта лама.

Колхозсь тяфта жа по-ударному тюри 8 миллиардт пуд сьоронь

сывомат колга Сталин ялгат мархта путф задаче пашкодеманц инксовок. Сон паксятнень лангса йотафни ловонь кирьдема, модат удобряндамс аноклай лама удобрянят, кода: кулуфт, саразонь пометт и стак тов, конатнень эзда кочкасть ни 10 центнерда лама. Ломакин.

Пурдошанский район.

Денисовть работац ащи кепотыксоск сембонди

Стахановский работань образец эсь работасонза няфни 70 кизоса атысь, Денисов Леонид Семеновичсь.

Сон 1932 кизоста сывомок работай „14 годовщина Октября“


колхозса конюхокс. Эсь цебарь работанц инкса ламоксть ульсь казф колхозонь правленият ширде питни казньнеса.

Тядень кизоть сонь мельганза кемокстаф алашатнень упитанностьсна цебарь. Честнайста и добросовестнайста работазь 1939 кизоть тись 400 лама трудоши.

Сон сясь эсь лангзонза обязательства, штоба тундань видема кампаният эсь мельганза кемокстаф алашатнень упитанностьсон нинге сядонга цебарьгафтомс и сатомс 1940-це кизонь Всесоюзной сельскохозяйственной выставкв участиянди права.

А. Гуняев.

Пурдошанский район.



Николай Алексеевич Некрасовсь

(1821—1878)

Великий русский поэтсь—Николай Алексеевич Некрасовсь шачсь 1821 кизонь декабрь 4-це шистонза Каменец-Подольский губерняса Юзвине местечкаса. Аляц поэтть, Алексей Сергеевич, ульсь офицеркс и помещикокс. Цьоранц шачемда меле сон курукста тусь отставкас и йотась эрма эсь родовой имениязонза Ярославский губерняв Грешневу. Тяста няеви, што идькс пингонь лятфнеманза поэтть лядсть алянц помещичья хозяйстванц колга, коса сон касо-ае эсь серенц.

Николай Алексеевич аляц ульсь пях невежественнай и жестокай, конанц эзда страдандасть уф анычек сонь крестьянонза и дворовайнза, но и семьян. Сембе ты деспотический обстановкас Некрасовть знакомондазе крепостнический эряфть шобда ширензон мархта.

Кефкия кизоса Некрасовсь ушедсь тонафнема Ярославский гимназияс, коса сонь тонафнемань

успехонза кальдяфтольхть. Аляц тонафнеманкса пандсь аф охотнаста. Но Некрасов пях кельгонькшнеше книгань лувоманц, кона определил сонь будущайнц.

1838 кизоня Некрасов, аф ваномок деспот-альянц лангс, конанц ульсь мялец максомс сонь военнай службав, поступил вольнослушателькс Петербургский университету. Кяжияф аляц отказась тейнза всякай материальной лексонь максомада. Штоба аф куломс вачеда, Некрасов кодамовок заработкада ашезь брезговандакшнине. Аф кржа сашендовсь тейнза утцемс чердакова и подвалга, коватнень вельде сон знакомондась ошень беднайхнень мархта, а лияста нльне люмпен-пролетариатт мархта. Ты, безусловна, Некрасовть ла-

мода касфтозе кругозоронц и козякофтозе сонь социальная действительность содамаса опыгонц. Но эрви азомс, што улемок кальдяв материальной условияс, Некрасовти университетса стак и ашезь сав тонафнемс.

1840 кизоня Некрасовть материальной положенинц сяда петневи. Сон сьормады лама прозаический художественнай произведенийт, конатнень эзда инь цебарьхнень цензурась ашезень новля печатсь и анычек Великий Октябрьский социалистический революцияда меле синь няйсть валдаши. Эсь произведенийнзон эса, конат сьорматфтольхть прозаса и стихса, Некрасов кемоста выступает крепостной правать каршес, народнай массатнень эксплуатациясон и угнетениясон каршес.

60—70 кизотнень Некрасов ульсь литературнай движенияс фкия инь руководящай деятелькс. 1847 кизоста сывомок 1866 кизоть самс сон ашезь во главе крупной радикальной „Современник“ журналть эса, а ты журналть лоткафтомдонза меле—1863 кизоста сывомок 1878 кизоть самс—во главе „Отечественнай запискатнень“ эса.

Некрасов ульсь ученикокс и соратникокс великай просветитель-

Пекарсь-стахановец

Сире—Теризморга велень „17 лет Октября“ колхозть пекарняса заведующайкс лама киза работакшнесь колхозть инь лучшей производственникоц Рыжов Владимир Александровичсь.

Рыжов ялгась порученнай тейнзатевти сембе пингста относилсь честна и добросовестна. 1939-це кизоня пекарнясь кшинь панемань планонц пашкодезе 100 процентта ламос и цебарь качествас.

Тяни Рыжов ялгат, кода образцовай пекарень, выдвинули работатама районнай пекарняв.

Ф. Курков.

С. Шайговань район.

Каньфне илядсть эйть алу

Сире—Теризморга велень „17 лет Октября“ колхозть руководителензон безответственностьсон сюнеда йотай кизоть лама гектар видеф каньфсь мянь тячийнш шити самс нинге ладняс атак урядак. Каньф васттнень лангста каньфть усксемста лама илядсь тозк ловть алу, тьямстост тьяма вастти, а ваяфтьнень эзда—ведти.

Сембода кальдявста урядаф каньфсь 4-це и 5-це № бригадатнень эса, коса бригадиркс работайхть Рыжов Михаил Александровичсь и Глухов Максимсь. 5-це № бригадиркс бригадиронц Рыжовть кальдяв работанц сюнеда нинге эйть алда тячимс атак таргак 1.500 лама каньф кярме. А тяфта жа 4-це бригадиркс бригадиронц Глуховсь эйть алда атак таргак кадсь 3.700 лама каньфкярме. Колхозонь председателсь Паркинц тяфтама безобразнай фактнень каршес ашезь прима кодамовок мерат.

Комсомолец.

Сире-Шайговский район.

Мезе юкснихть

Ловонь кирьдемась—урожайть кеподеманцы ащи важнейшай средствакс. Но Каньгуж велень „Путь к социализму“ колхозсь (колхозонь председателсь Кудряев ялгась) ты важнейшай тевть ширт аф шарфни кодамовок мяль, колхозть паксянзон лангса ловокь кирдемаги ашезь кярмотькшнине.

В. Сабаев, Д. Сабаев.

Ельниковский р-н.

ненди-демократтненди — Белинскыйти, Чернышевскийти и Добролюбовти. Крестьянский движени-ять касоманц пингста, ведьгемонце кизотнень пестост, Некрасов пощадафтома тюри крепостнический стройть педа-пес машфтоманц инкса, крестьянтненди помещик-нень модасон явоманц инкса. Тянь колга Некрасовть поэзияц мушенды оцю кельгома обществ-вать демократический пяхксонц йоткса. Ня кизотнень сьормады тяфтама замечательнай произведе-ния, кода „Размышления у па-радного под'езда“, „Песня Ере-мушки“, „На Волге“, „Рыцарь на час“.

60—70 кизотнень основной мя-ленц Некрасов шарфнесы крестьян-явствать шири, сонь стака эря-фонц описаниянц шири. Тя тема-са сон сьормады тяфтама произ-веденийт, кода „Мороз красный нос“, „Зеленый шум“, „Кому на Руси жить хорошо“ и лият.

Некрасов ульсь Ленинонь кель-гома поэтоц. Н. К. Крупская азон-кшнеше, што Ленин сибирский ссылкас Некрасовонь сочинениян-

(Полатисон 4-це страницаса).

Музыкась развитай нинге аф сатомшкаста

Республиканский школьный художественно-самодеятельный олимпиадась народный творческий сембе виттень эса няфтсь аф калдяв сатфкст. Олимпиадаса цебарьста тифтольхть акробатический номерхне, художественная чтение, а тяфта жа цебарьста исполненыхть национальный и классический танецне.

Однако, олимпиадась музыкаса изь няфте сатомшка результатт. Олимпиадань сембе участникнень эзда сяда цебарьста музыкальной номерхнень исполнили Рузаевка ошть эзда оркестрсь.

Аф калдяв кепотькс няфни Ковылкинский районца народный инструментонь оркестрсь.

Лямбирский и Ширингушский райоттне и нльне Краснослободск

и Ардатов ошне, кода коллективный, а тяфта жа индивидуальной номерда олимпиадав представляли пяк кржа. Азф районца и ошта выступающахнень морсна ульсть одноголоснахть и шоряф мотивот. Сембе тя няфнесы, што нят райоттнень эса музыкати мяльда шарфнихть пяк кржа. Музыкась коря самодеятельный кружоконь руководителхне, кода правила, самообразования не занимаютсь, музыкань цебарь коллективнень мархта соткс аф кирьдихть, а МАССР-нь СНК-ть видеса искусствань тефнень коряс Комитетсь и сонь самодеятельностень сектороц тя тевть не возглавили, кадозь самотекти.

Лебеденко.

КАНИКУЛАТНЕНЬ ЙОТАФНЕСАЗЬ ЦЕБАРЬСТА

Каньгуж велень средний школань ученикне талонь каникулатнень йотафнесазь организованная и разумна. Ученикне йотафнихть лыжаса и канькаса коллективный курькснемат и тиендихть военизированной аф оцю похотт.

Тяда башка школаса цебарьста работайхть ВС-нь и ПВХО-нь значокс норматнень максомаса оборонной кружокне, конатнень работаса ученикне примосихть оцю

участия. ПВХО-нь кружоксь каникулатнень пингста аноклась ни 50 лама значкист.

Ученикне каникулада меле од вийса кярмодихть учебнай кизоть омбоце полугодиянцты и энергичная кармайхть тюрема школаса цебарь дисциплинать и отличная тонафнемать инкса.

В. Сабаев

Ельниковский район.

Ков вяти нола шись?

Каньгуж велень средний школань 9-це классонь ученикнень эзда аф кржась тонафнема кизоть васень полугодиянц аделаць аныцек отличнай и цебарь оценкаса. Но кой-конат комсомолецне-ученикне, кода: Ефимкин Ф. и Сабаев П. тонафнемаса аф союзной одломаттнень няфнихть калдяв кепотькс. Силь кафеке тя полугодият пингста тонафнесь калдявста.

Тя лиссь аныцек сяс, мес Сабаев и Ефимкин комсомолецне то-

нафнемаса няфнихть пяк оцю халатность и нола ши. Силь домашний работаснон вестенге ашезь пшкотькшне.

Тяда башка нят комсомолецне класса ашихть дисциплинать разрушителькс, ульсть случайхть, конанди тарксекшнесь лия ученикка. Тяфтама положениась сяда тов аш кода кирдемс. Школьный комсомольский организациясь должен тейнза пуютомс пе.

Иванова.

Ельниковский район.

Мес аф работай ОСО-нь организациясь?

Сире-Теризморга велень 17 лет Октября колхозса нинге 1939 кизоть ушетксста организовадф добровольной осовиахимский организация, коза руководителкс ульсь кочкаф Видясов Иван Павловичсь.

Организациясь аф касы, ащи 8 ломаньнта и нятнень мархтонга кодамовок работа аф вятевы, аф йотафневихть собраният, атак организовандак оборонной значокс

норматнень максомаснонды кружок.

Тянь колга ОСО-нь четтне ланоксть корхнесь комсомольский собраниясь, штоба ладямс организациясь работать. Но аф комсомольский организациясь, аф Сире-Шайговань райононь ОСО-нь советсь Видясовть калдяв работанц лангс кодамовок мяль аф шарфнихть.

Комсомолец.

Сире-Шайговань район.

Калдяв избач

Сире Сомай велеса ули изба-читальня, коза заведующайкс работай Шавензов Петр Игнатьевичсь. Изба-читальнят помещениац цебарь, но сонь эсонза кодамовок порядк аш. Стенатнень эзда аф нят фкявок лозунг, плакат, портрет.

Шавензов ялгась аф заботендай

изба-читальняв литературань сатомать колга и панчсесы сонь неделяти аныцек кафеке.

Тяста няевы, што изба-читальняса аф вятевы кодамовок агитационнай работа.

Самаев.

Рыбинский район.



Оружиянь усксечатненьди запретать отменаць аныцек кувалгафты войнаныь срокть и таргасы войнас Американыь Соединеннай Штаттнень (газетатнень эзда). Американский рейкась,
Фото-клишесь ТАСС-ть.

Китайса военнай действиятне

Южная Китайса

Кантонть эзда север ширеса инициативась китайский войска-тнень кядьса. Мольтетомк южная направлениясь наступленияснон, китайцине панезь японецнень тя районца лама велень эзда.

Гуандун провинцият восточнай пхалксонза китайский войска-тне тиендихть оцю упорнай сопротив-леният японецненьди Чаочжоу рай-онца. Японецнень сембе атакасна аделавсть успехфтома.

Китайский войска-тнень актив-ностьсна няендеви Наньнин рай-онца (Гуанси провинциясь). Ки-тайский войска-тне заявсть велет, конат ашихть Наньнинть эзда юг ширеса. Гуэлиньгуань горнай проходть районца китайский вой-ска-тне мусть японский воен-най имуществань замаскированной склад. Складти ульсь кафф 20 орудия, винтовка и военнай доку-мент мархта 10 папкат.

Центральной Китайса

Цзянси провинцият севернай пхалксонза китайский войска-тне отрядсь пачкодсь Наньчантти.

Силь яна районца (Хэнань про-винцият южная пхалксонза) ки-тайский войска-тне панезь японец-нень Дахуншанста.

Северной Китайса

Шаньси провинцият юго-запад-най пхалксонза мекольденъ шит-нень пингста китайский войска-тне вятихть атакат японский позици-ятнень лангс Юйсина районцовок. Японский войска-тне лувкссь, конат действовандахть Ваньси-сясянь секторса, пачкодсь кафта тьожать ломань лувкссь. Январть 4-це шис-тонза шобдава японецне авиаци-ять и тяжелой артиллериать под-держкаснон вельде йотасть Вань-цюань и Фуцзясянь ошнень лангс наступленияти. Однако наступле-нияснон китайский войска-тне от-били.

(ТАСС).

Ответ. редакторсь Н. ТИШКИН.

Николай Алексеевич Некрасов

(1821—1878)

Зон кирезень эсь кроватенц вакса" и эрь илядне аф фкянь крда лувонкшнезень. Эсь эряфонц йотамс Ленин шарфнесь оцю мяль Некрасовть поэзиянцты. Ленинонь сочинениянзон эса кемонень крда-ксть васьфтсайть Некрасовть стихотворениянзон образснон.

"Кому на Руси жить хорошо" поэмась максси прекраснай иллю-страция 1861 кизонь реформать колга ленинский характеристика-ти, мзярда "крестьянне лиссть свобода" нищайкс сязентьфт, лиссть помещикнень рабстваость тьяка жа помещикнень и силь став-ленникснон кабалазост". (Ленин). Некрасов кулось 1878 кизонь январь 8-це шистонза. Мяк эсь куломозонза Некрасов безаветна верондась, што народсь "кели-яс-най мяштенц мархта тии эстейнза ки".